

ხელშეკრულება N 210 სახელმწიფო შესყიდვის შესახებ

ქ. ოზურგეთი

24 მაისი 2018 წელი

ერთის მხრივ, სსიპ ოზურგეთის მუნიციპალიტეტი (შემდგომში „შემსყიდველი“), წარმოდგენილი მერის, კონსტანტინე შარაშენიძის სახით და მეორეს მხრივ, შ.პ.ს. „გლობალ პროექტი“ (შემდგომში „მიმწოდებელი“), წარმოდგენილი დირექტორის, რევაზ მაღლაკელიძის სახით, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თვმჯდომარის 2017 წლის 14 ივნისის №12 ბრძანების და „მიმწოდებლის“ სატენდერო წინადადების საფუძველზე, განხორციელებული ელექტრონული ტენდერის (NAT180007018) ფარგლებში ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია სოფ. ცხემლისხიდი-სოფ ვაკოჯვარის გზიდან ბაღდადის ეკლესიამდე დამაკავშირებელი გზის რეაბილიტაციის სამუშაოების ჩასატარებლად საპროექტო-საბარჯთაღრიცხვო დოკუმენტაციის მომზადების მომსახურების (CPV კოდი: 71242000 - პროექტისა და გეგმის მომზადება, ხარჯების გამოთვლა) შესყიდვა, წარმოდგენილი ტექნიკური დოკუმენტაციისა და ხელშეკრულების დანართი N1-ის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

2. ხელშეკრულების ღირებულება და ანგარიშსწორების წესი, დაფინანსების წყარო

- 2.1 გასაწევი მომსახურების მთლიანი, ჯამური ღირებულება შეადგენს: 9799 (ცხრაათას შვიდას ოთხმოცდაცხრამეტი) ლარს.
- 2.2 დაფინანსების წყარო: ოზურგეთის მუნიციპალიტეტის ადგილობრივი ბიუჯეტი.
- 2.3 ხელშეკრულების ღირებულება მოიცავს მომსახურების გაწევასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს.
- 2.4 ანგარიშსწორება „მიმწოდებელთან“ განხორციელდება ეროვნულ ვალუტაში, გაწეული მომსახურების მიღების შემდეგ, ამ ხელშეკრულებით გათვალისწინებული საბანკო რეკვიზიტების შესაბამისად, უნაღდო ანგარიშსწორების ფორმით.
- 2.5 ანგარიშსწორებას „შემსყიდველი“ განახორციელებს, ფაქტობრივად გაწეული მომსახურების გათვალისწინებით, შესაბამისი მიღება-ჩაბარების აქტის, მომსახურების გაწევისა და შესაბამისი ექსპერტიზის დადებითი დასკვნის არსებობის შემდეგ, დოკუმენტაციის წარმოდგენიდან 10 (ათი) სამუშაო დღის განმავლობაში.

3. მომსახურების გაწევის პირობები

- 3.1 მომსახურების გაწევის ვადა ათვლება ხელშეკრულების გაფორმების მომენტიდან და უნდა დასრულდეს 25 (ოცდახუთი) კალენდარული დღის განმავლობაში, 2018 წლის 17 ივნისის ჩათვლით; იმ შემთხვევაში, თუ მომსახურების გაწევის დასრულების თარიღი დაემთხვევა არასამუშაო დღეს, შესყიდვის ობიექტის ჩაბარების საბოლოო თარიღად ჩაითვლება მომდევნო სამუშაო დღე.
- 3.1.1 ხელშეკრულებით გათვალისწინებული მომსახურების დასრულების შემდგომ, მიმწოდებელი შემსყიდველს წარუდგენს საპროექტო-საბარჯთაღრიცხვო დოკუმენტაციებს, ხელშეკრულების დანართი N1-ის შესაბამისად, შემდეგ მისამართზე: ქ. ოზურგეთი, კოსტავას ქ. N1, ოზურგეთის მუნიციპალიტეტის ადმინისტრაციული შენობა.

4. მიღება-ჩაბარების წესი

- 4.1 მომსახურების გაწევის დასრულების შემდეგ, მიმწოდებელი შემსყიდველს წარუდგენს მის მიერ მომზადებულ საპროექტო-საბარჯთაღრიცხვო დოკუმენტაციებს, ხელშეკრულების დანართ N1-ში მოცემული პირობების შესაბამისად.
- 4.2 მიმწოდებლის მიერ მომზადებული პროექტების განსახორციელებელ სამუშაოებთან შესაბამისობის დადგენის მიზნით, შემსყიდველი მიმწოდებლის მიერ მოწოდებულ დოკუმენტაციას გადასცემს შ.პ.ს. „რეალექსპერტი“-ს (ს/კ 404470434), რის შემდეგაც, შ.პ.ს. „რეალექსპერტი“ (ს/კ 404470434) შემსყიდველს გონივრულ ვადაში წარმოუდგენს შესაბამის დასკვნას ან/და ინსპექტირების ანგარიშს.
- 4.3 იმ შემთხვევაში, თუ შ.პ.ს. „რეალექსპერტი“-ს (ს/კ 404470434) ან/და შემსყიდველის უფლებამოსილი წარმომადგენლების მხრიდან მიმწოდებლის მიერ მოწოდებულ საპროექტო-საბარჯთაღრიცხვო დოკუმენტაციასთან მიმართებაში იარსებებს შენიშვნები, მიმწოდებელს აღნიშნული შენიშვნების გამოსასწორებლად მიეცემა ვადა, არაუმეტეს 5 (ხუთი) კალენდარული დღის ოდენობით.
- 4.4 ხელშეკრულებით გათვალისწინებული გაწეული მომსახურების საბოლოო მიღება-ჩაბარება განხორციელდება შ.პ.ს. „რეალექსპერტი“-ს (ს/კ 404470434) მიერ გაცემული დადებითი დასკვნის ან/და ინსპექტირების ანგარიშის არსებობის შემთხვევაში.

5. მხარეთა უფლება-მოვალეობები

5.1 „შემსყიდველი“ ვალდებულია:

- 5.1.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 5.1.2 ხელშეკრულებით გათვალისწინებული მომსახურების გაწევისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;

- 5.1.3 ხელშეკრულებით გათვალისწინებული პირობების შესაბამისად აუნაზღაუროს მიმწოდებელს გაწეული მომსახურების ღირებულება;
- 5.1.4 წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.
- 5.2 **„შემსყიდველი“ უფლებამოსილია:**
- 5.2.1 საბოლოოდ მიღებისას შემსყიდველი უფლებამოსილია შექმნას სპეციალური კომისია ობიექტის საბოლოო მიღება-ჩაბარების მიზნით.
- 5.2.2 „მიმწოდებლისგან“ მოითხოვოს მომსახურების გაწევა ხელშეკრულებით დადგენილი პირობებით და განსაზღვრულ ვადაში;
- 5.2.3 „მიმწოდებლის“ მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება;
- 5.2.4 დაუბრკოლებლივ განახორციელოს „მიმწოდებლის“ მიერ გაწეული მომსახურების შემოწმება;
- 5.3 **„მიმწოდებელი“ ვალდებულია:**
- 5.3.1 ხელშეკრულებით დადგენილ ვადაში, ხელშეკრულებით დადგენილი პირობებით გაწიოს მომსახურება;
- 5.3.2 ხელშეკრულების მოქმედების პერიოდში „შემსყიდველს“ წარუდგინოს გაწეულ მომსახურებასთან დაკავშირებით ნებისმიერი სახის ინფორმაცია და დოკუმენტები;
- 5.3.3 საკუთარი ხარჯებით უზრუნველყოს „შემსყიდველის“ მიერ გამოვლენილი ყველა ნაკლისა და დეფექტის აღმოფხვრა, რომელიც გამოწვეულია მისი ბრალეულობით;
- 5.3.4 დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;
- 5.3.5 ხელშეკრულების შესრულების პერიოდში ქვეკონტრაქტების დადების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად. შემსყიდველი უფლებამოსილია არგუმენტირებული უარი განაცხადოს მიმწოდებლის მიერ შესაბამისი ქვეკონტრაქტის დადებაზე.
- 5.3.6 შემსყიდველს უმოკლეს ვადაში აცნობოს ორგანიზაციის მოსალოდნელი რეორგანიზაციის ან ლიკვიდაციის შესახებ.
- 5.4 **„მიმწოდებელი“ უფლებამოსილია:**
- 5.4.1 „შემსყიდველისგან“ მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება;
- 5.4.2 მოსთხოვოს შემსყიდველს მომსახურების გაწევის განსახორციელებლად ყველა საჭირო დოკუმენტაციისა და ინფორმაციის მიწოდება.
- 6 **უფლებების გადაცემა**
- 6.1 „მიმწოდებელს“ არა აქვს უფლება „შემსყიდველის“ წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი. მოცემულ შემთხვევაში მესამე პირი უნდა აკმაყოფილებდეს ტენდერით გათვალისწინებულ იმ მოთხოვნებს, რომელიც დააკმაყოფილა „მიმწოდებელმა“.
- 7 **ხელშეკრულების შესრულების შეფერხება**
- 7.1 ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შესრულების საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.
- 7.2 იმ შემთხვევაში თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.
- 8 **მხარეთა პასუხისმგებლობა ხელშეკრულების პირობების შეუსრულებლობისათვის**
- 8.1 ფორს-მაჟორული პირობების გარდა, „მიმწოდებლის“ მიერ ხელშეკრულების პირობების შეუსრულებლობა ან/და დაგვიანებით შესრულება გამოიწვევს მის პასუხისმგებლობას, მოქმედი კანონმდებლობითა და წინამდებარე ხელშეკრულებით განსაზღვრული წესის შესაბამისად.
- 8.2 ხელშეკრულებით ნაკისრი ვალდებულებების შესრულებისას, ხელშეკრულებით გათვალისწინებული ვადების გადაცდენის შემთხვევაში, ყოველი დაგვიანებული დღისათვის, დამრღვევ მხარეს დაეკისრება შეუსრულებელი ვალდებულების ღირებულების 0,02%-ის ოდენობით, რომლის გადახდა უნდა მოხდეს წერილობითი მოთხოვნის მიღებიდან 30 (ოცდაათი) კალენდარული დღის განმავლობაში.
- 8.3 ხელშეკრულების სხვა პირობების დარღვევის შემთხვევაში „მიმწოდებელს“ დაეკისრება ჯარიმა ერთჯერადად 500 ლარის ოდენობით.
- 8.4 ხელშეკრულების ცალმხრივად შეწყვეტის შემთხვევაში, დამრღვევ მხარეს დაეკისრება ჯარიმა, სახელშეკრულებო ღირებულების 10%-ის ოდენობით.
- 8.5 „შემსყიდველი“ უფლებას იტოვებს მოახდინოს პირგასამტეხლოს გამოქვითვა „მიმწოდებლისათვის“ ასანაზღაურებელი თანხიდან (მიმწოდებლის წერილობითი თანხმობის შემთხვევაში) ან სახელშეკრულებო

ღირებულებიდან დაუკავოს თანხა, გადასახდელი პირგასამტეხლოს ორმაგ ოდენობამდე, დაკისრებული ჯარიმის სრულ დაფარვამდე.

- 8.6 პირგასამტეხლოს გადახდა არ ათავისუფლებს „მიმწოდებელს“ ხელშეკრულებით ნაკისრი ვალდებულებების შესრულებისაგან.
- 8.7 პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

9 ხელშეკრულების მოქმედების შეწყვეტა

- 9.1 ერთი მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.
- 9.2 ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 5 (ხუთი) დღით ადრე მაინც, ამასთან უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 9.3 ხელშეკრულების ცალკეული პირობების მოქმედების შეწყვეტა, არ ათავისუფლებს მხარეებს ვალდებულებების შესრულებისაგან.
- 9.4 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:
- 9.4.1 მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
- 9.4.2 მიმწოდებლის მიმართ მიმდინარეობს გაკოტრების საქმე. (მოუხედავად მისი დაწყების დროისა);
- 9.4.3 მიმწოდებლის ქონებას დაედო ყადაღა;
- 9.4.4 მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
- 9.4.5 ხელშეკრულებით განსაზღვრული მომსახურების გაწევის ვადები დაირღვა 10 დღეზე მეტი ვადით.
- 9.5 ხელშეკრულება შესაძლებელია შეწყდეს ასევე მხარეთა შეთანხმებით.

10 ფორს-მაჟორი

- 10.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულების შეუსრულებლობა გამოწვეულია დაუძლეველი ძალით (სტიქიური უბედურება, წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომი, საომარი მოქმედებები და საზოგადოებრივი არეულობა, თუ ისინი უშუალო ზემოქმედებას ახდენენ ხელშეკრულებით გათვალისწინებული სამუშაოების შესრულებისათვის გამოყოფილ ტერიტორიაზე, საქონლის მიწოდება ემზარგოს დაწესება, საბიუჯეტო ასიგნებების მკვეთრი შემცირება, ცვლილებები კანონმდებლობაში და სხვა) ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ, დაუძლეველი ძალით გამოწვეული მოვლენები ეწოდება მოვლენებს, რომლის წარმოშობისა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).
- 10.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის უფლების მოთხოვნის გარეშე.
- 10.3 მხარე, რომელსაც შეექმნა ფორს-მაჟორული გარემოება დაუყონებლივ აცნობებს ამის შესახებ მეორე მხარეს, ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გატვალისწინებული ვალდებულების შესრულებაში.

11 დავების გადაწყვეტის წესი

- 11.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 11.2 შეთანხმების მიუღწევლობის შემთხვევაში მხარეები მიმართვენ საქართველოს სასამართლოს, საქართველოს კანონმდებლობის შესაბამისად.

12 ხელშეკრულების ინსპექტირების პირობები

- 12.1 „შემსყიდველს“ უფლება აქვს განახორციელოს ზედამხედველობა, ხელშეკრულების მოქმედების ნებისმიერ მომენტში.
- 12.2 ხელშეკრულების კონტროლს ახორციელებს „შემსყიდველის“ მიერ გამოყოფილი სპეციალური ინსპექტირების ჯგუფი, ასევე შ.პ.ს. „რეალექსპერტი“-ს (ს/კ 404470434) წარმომადგენლები.
- 12.3 ინსპექტირება განხორციელდება წარმოქმნილი საჭიროებიდან გამომდინარე.
- 12.4 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

13 ხელშეკრულების პირობების გადასინჯვის შესაძლებლობა

- 13.1 წინამდებარე ხელშეკრულების პირობების, მათ შორის ფასის შეცვლა დაუშვებელია თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისათვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

14 ხელშეკრულებაში ცვლილებების შეტანა

- 14.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

- 14.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.
- 14.3 ხელშეკრულების პირობების ნებისმიერი ცვლილება უნდა გაფორმდეს წერილობით ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 15 **შეტყობინება**
- 15.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ფაქსის ან ელექტრონული სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 15.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.
- 15.3 ხელშეკრულებაში მითითებული საკონტაქტო ინფორმაცია (მისამართი, ელექტრონული ფოსტა, ტელეფონი, ფაქსი და ა.შ.) უნდა იყოს მოქმედი და მხარეებს შეუფერხებლად უნდა შეეძლოთ მათი საშუალებით საჭიროების შემთხვევაში ერთმანეთთან დაკავშირება.
- 16 **დასკვნითი დებულებანი**
- 16.1 მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას, დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 16.2 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის წერილობითი შეთანხმებით, ხელშეკრულების დანართის გაფორმების შედეგად.
- 16.3 ხელშეკრულება ძალაში შედის მისი ხელმოწერის მომენტიდან და მოქმედებს 2018 წლის 1 აგვისტომდე.
- 16.4 წინამდებარე ხელშეკრულება შედგენილია 3 (სამი) თანაბარუფლებიანი ძალის მქონე ეგზემპლარად 2 (ორი) ეგზემპლარი ინახება „შემსყიდველთა“, ხოლო 1 (ერთი) ეგზემპლარი გადაეცემა „მიმწოდებელს“.
- 17 **მხარეთა მისამართები, საბანკო რეკვიზიტები და ხელმოწერები**

„შემსყიდველი“

ოზურგეთის მუნიციპალიტეტი
იურიდიული მისამართი: ქ. ოზურგეთი, კოსტავას ქ. N1
საიდენტიფიკაციო კოდი: 237114635
სახელმწიფო ბანკი
ბანკის კოდი: TRESGE22

ოზურგეთის მუნიციპალიტეტის მერი:


ქ. შაშვაშვიძე

„მიმწოდებელი“

შ.პ.ს. „გლობალ პროექტი“
მისამართი: ქ. თბილისი, ისანი-სამგორის რაიონში,
ვარკეთილის მას., II მ/რ, კორ. 3, ბ. 14
ტელ.: 579 22 75 57. E-Mail: info@globalproject.ge
საიდენტიფიკაციო კოდი: 406071806
ბანკის დასახელება: სს „თიბისი ბანკი“,
ბანკის კოდი: TBCBGE22
ა/ა GE38TB 7844 4360 5010 0001

შ.პ.ს. „გლობალ პროექტი“-ის დირექტორი:


რ. მდლაკელიძე

2018 წლის 24 მაისის N 210 ხელშეკრულებით გათვალისწინებული გასაწევი მომსახურების
ჩამონათვალი და მომსახურების გაწევის პირობები

1. პროექტი ითვალისწინებს სოფ. ცხემლისხიდი-სოფ ვაკიჯვარის გზიდან ბაღდადის ეკლესიამდე დამაკავშირებელი გზის რეაბილიტაციის სამუშაოების ჩასატარებლად საპროექტო-სახარჯთაღრიცხვო დოკუმენტაციის მომზადებას;

1.1. სოფ. ცხემლისხიდი-სოფ ვაკიჯვარის გზიდან ბაღდადის ეკლესიამდე დამაკავშირებელი გზის, სიგრძით 1500 მ. სიგანე 4-5 მ. (მიერთება ბახვისკენ მიმავალ ბეტონის გზამდე 150 მ. სიგანე 4-5 მ.) რეაბილიტაციის სამუშაოების ჩასატარებლად საპროექტო-სახარჯთაღრიცხვო დოკუმენტაციის მომზადება; შესასრულებელი სამუშაოს სახარჯთაღრიცხვო დოკუმენტაცია უნდა მოიცავდეს:

- 1.1.1. გზის საფუძვლის მოწყობას;
- 1.1.2. ასფალტბეტონის საფარის ერთი ფენის მოწყობას სისქით 6 სმ;
- 1.1.3. მიერთებების და ეზოებში შესასვლელების მოწყობას;
- 1.1.4. სანიაღვრე არხების მოწყობა-რეაბილიტაციას;
- 1.1.5. ხელოვნური ნაგებობების მოწყობა-რეაბილიტაციას;
- 1.1.6. საგაზაო მონიშვნებისა და მოძრაობის უსაფრთხოების ღონისძიებების სამუშაოებს.

შენიშვნა: სავალდებულოა პროექტის მომზადებისას მოხდეს გზის ზედაპირის არსებული ნიშნულების შენარჩუნება.

2. ზემოთ ჩამოთვლილი სამუშაოების განსახორციელებლად შედგენილი საპროექტო-სახარჯთაღრიცხვო დოკუმენტაცია უნდა მოიცავდეს:

- 2.1. თავფურცელს, ობიექტის დასახელებას და მისამართს;
- 2.2. განმარტებით ბარათს;
- 2.3. მშენებლობის ორგანიზაციას;
- 2.4. სარეაბილიტაციო გზის გეგმას, გრძივ და განივ პროფილებს, გადაკვეთებს, მიერთებებს, სატრანსპორტო კვანძებს, გზის სამოსის კონსტრუქციებს და სხვა გრაფიკულ გამოსახულებებს (ნახაზები);
- 2.5. საინჟინრო-გეოლოგიურ დასკვნას;
- 2.6. გზაზე არსებული სარეაბილიტაციო და ახალი ხელოვნური ნაგებობების კონსტრუქციული ელემენტების, კვანძების ზოგად და დეტალურ ნახაზებს;
- 2.7. სახარჯთაღრიცხვო დოკუმენტაციის მომზადებას (ჩაშლილი, ლოკალური) და ობიექტის ღირებულების დადგენას;
- 2.8. გზის სამშენებლო სამუშაოების მოცულობების ცხრილებს და სხვადასხვა სახის უწყისებს;
- 2.9. მიწის ვაკისს;
- 2.10. თითოეული პროექტი მოწოდებული უნდა იქნას არანაკლებ 4 ეგზემპლიარად ბეჭდური ფორმით;
- 2.11. თითოეულ პროექტს თან უნდა ერთვის ბეჭდური ვერსიის იდენტური ელექტრონული ვერსია (ხარჯთაღრიცხვები xls ან/და xlsx ფორმატით, ხოლო სხვა დანარჩენი დოკუმენტაცია PDF, ასევე სამუშაო პროგრამების ფორმატით);
- 2.12. თითოეული პროექტი გამყარებული უნდა იყოს კვლევის ფოტომასალით.

3. თითოეული შესასრულებელი სამუშაოს სახარჯთაღრიცხვო დოკუმენტაციის შედგენისას, „მიმწოდებელმა“ სახარჯთაღრიცხვო ღირებულებაში უნდა გაითვალისწინოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-დან ან სხვა აკრედიტებული პირიდან წარმოსადგენი ექსპერტიზის დასკვნის ღირებულება, რითაც დადგინდება ხარჯთაღრიცხვით გათვალისწინებული შესრულებული სამუშაოს მოცულობა ხარჯთაღრიცხვასთან მიმართებაში.
4. სახარჯთაღრიცხვო დოკუმენტაციის შედგენისას მიმწოდებელმა უნდა იხელმძღვანელოს 2014 წლის 14 იანვრის ტექნიკური რეგლამენტის - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის“ დამტკიცების შესახებ საქართველოს მთავრობის N55 დადგენილებით.
5. მიმწოდებელმა საპროექტო-სახარჯთაღრიცხვო დოკუმენტაციის შედგენისას უნდა გაითვალისწინოს შემსყიდველის მიერ ობიექტების ფუნქციონალურ დატვირთვასთან დაკავშირებული გარემოებები; თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გათვალისწინებული დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენა განხორციელდება ანაზღაურების გარეშე. პროექტირების პერიოდში საპროექტო დავალებით გაუთვალისწინებელი სამუშაოების დაპროექტების საკითხი ზეპირი სახით თანხმდება შემსყიდველთან.
6. მიმწოდებელმა პროექტის შედგენისას უნდა გაითვალისწინოს ის გარემოება, რომ თუკი პროექტის განხორციელების დროს დადგება საპროექტო-სახარჯთაღრიცხვო დოკუმენტაციის კორექტირების აუცილებლობის საკითხი, რომელიც გამოწვეული იქნება საპროექტო-სახარჯთაღრიცხვო დოკუმენტაციაში არსებული ხარვეზით ან/და უშაულოდ სამუშაოების მიმდინარეობის პროცესში აღმოჩენილი ობიექტური მიზეზებით, მან (მიმწოდებელმა) ყოველგვარი დამატებითი ანაზღაურების გარეშე უნდა მოახდინოს საპროექტო-სახარჯთაღრიცხვო დოკუმენტაციაში შესაბამისი ცვლილებების განხორციელების შეთანხმება გონივრულ ვადაში.

„შემსყიდველი“

„მიმწოდებელი“

ოზურგეთის მუნიციპალიტეტი
იურიდიული მისამართი: ქ. ოზურგეთი, კოსტავას
ქ. N1
საინდენტიფიკაციო კოდი: 237114635
სახელმწიფო ხაზინა
ბანკის კოდი: TRESGE22

შ.პ.ს. „გლობალ პროექტ“
მისამართი: ქ. თბილისი, ისანი-სამგორის რაიონში,
ვარკეთილის მას., II მ/რ, კორ. 3, ბ. 14
ტელ.: 579 22 75 57, E-Mail: info@globalproject.ge
საინდენტიფიკაციო კოდი: 406071806
ბანკის დასახელება: სს „თიბისი ბანკი“,
ბანკის კოდი: TBCBGE22
ა/ა GE38TB 7844 4360 5010 0001

ოზურგეთის მუნიციპალიტეტის მერი:

შ.პ.ს. „გლობალ პროექტ“-ის დირექტორი:



რ. მაღლაკელიძე

ფასების ცხრილი

N	შესყიდვის ობიექტის დასახელება	მომსახურების ღირებულება
1	სოფ. ცხემლისხიდი-სოფ ვაკიჯვარის გზიდან ბაღდადის ეკლესიამდე დამაკავშირებელი გზის რეაბილიტაციის სამუშაოების ჩასატარებლად საპროექტო-სახარჯთაღრიცხვო დოკუმენტაციის მომზადება	9799
ჯამი		9799

შ.პ.ს. „გლობალ პროექტი“-ის დირექტორი  გ. ბეჭელაძე

